

Alþingi
Erindi nr. Þ 138/342
komudagur 30.11.2009

27.11.2009

Umhverfisnefnd Alþingis

Varðar þingsályktun um náttúruverndaráætlun 2009-2013. 200.mál.

Af hálfu Reykjavíkurborgar var á 137. löggjafarþingi send umsögn um tillöguna. Ekki þykir ástæða til að breyta henni og gildir hún því áfram við meðferð tillögunnar sem nú liggur fyrir þinginu. Meðfylgjandi í viðhengi er umrædd umsögn Reykjavíkurborgar, dags. 15. júní 2009, sem send var meðfylgjandi bréfi Reykjavíkurborgar dags. 18. júní sl. til umhverfisnefndar Alþingis.

F.h. borgarlögmans,
Ásthildur Sigurðardóttir, skrifstofustjóri Borgarlögmans.



Reykjavíkurborg
Umhverfis- og samgöngusvið

R09060037

Reykjavíkurborg
Borgarráð
Ráðhús Reykjavíkur
101 Reykjavík.

Málsnúmer: R09060037
Skjalasafn Ráðhúss
16 JUNÍ 2009
Bréfaýkill: 175

15. júní 2009.

Efni: Umsögn um tillögu til þingsályktunar um náttúrverndaráætlun 2009-2013, 52. mál.

Vísað er til orðsendingar borgarlögmanns dags. 9. júní s.l. þar sem þess er óskað að Umhverfis- og samgöngusvið geri umsögn fyrir borgarráð um ofangreint mál.

Þingsályktunin gerir ráð fyrir að á næstu fimm árum skuli unnið að friðlýsingu 13 svæða á landinu til að stuðla að traustri verndun íslenskrar náttúru og framkvæmd alþjóðlegra samninga um náttúruvernd. Ekkert þessara svæða fellur innan borgarmarka Reykjavíkur.

Í greinargerð með þingsályktunartillögunni er gerð grein fyrir framkvæmd náttúrverndaráætlunar þeirra, sem nú er í gildi og eru svæðið Álftanes – Skerjafjörður, fjara og grunnsævi, eitt þeirra svæða, sem stefnt var að friðlýsingu á. Í greinargerðinni kemur fram, að hugsanlegt sé, að af þeirri friðlýsingu geti orðið á árinu 2009. Í fyrri umsögnum borgarinnar um þá áætlun og endurskoðun hennar 2004-2008 var ekki gerð athugasemd við að umrætt svæði væri inni í áætluninni, en lögð áhersla á, að þar sem friðun felur í sér skorður við landnotkun á svæðinu, myndi borgin taka afstöðu til einstakra friðunartillagna þegar þær lægju fyrir. Þá lagði borgin ríka áherslu á samráð í umsögnum sínum (Borgarlögmaður og Umhverfis- og heilbrigðisstofa). Um Skerjafjörðinn var síðan fjallað á sérstakri ráðstefnu um hann í janúar 2007.

Umhverfisstofnun sendi borginni erindi 7. ágúst s.l., þar sem spurt var um vilja hennar til samstarfs um friðlýsingu Skerjafjarðar og vilja til að ljúka málinu. Í september samþykkti Umhverfis- og samgönguráð tillögu Umhverfis- og samgöngusviðs um að ganga til samstarfs við Umhverfisstofnun um málið. Þann 27. október s.l. var síðan samráðsfundur með þeim 5 sveitarfélögum sem málið heyrir til. Þar komu fram efasemdir um friðunina hjá 3 sveitarfélögum (Reykjavík, Kópavogur, Seltjarnarnes).

Reykjavíkurborg hefur lýst vilja til samstarfs um friðun Skerjafjarðar. Hins vegar bendir borgin á, og ítrekar það, að borgaryfirvöld munu taka afstöðu til fyrirbyggjandi tillagna, þegar þær koma fram. Reykjavíkurborg bendir á, að Skerjafjörður hefur oft verið nefndur sem framtíðarflugvallastæði fyrir innanlandsflug í Reykjavík og hefur það mál ekki verið útkljáð enn. Óheppilegt væri að útkljá framtíð flugvallarins með ákvörðun um friðlýsingu fjarðarins. Þá bendir Reykjavíkurborg á, að endurskoðun aðalskipulags Reykjavíkur fer nú fram og þar hefur ekki verið tekin afstaða til friðlýsingarinnar, en samkvæmt núgildandi skipulagi nýtur strönd Skerjafjarðar hverfisvernd.

Með tilliti til þess, að friðlýsing Skerjafjarðar gæti haft mikil áhrif til góðs á fuglalíf á svæðinu, væri æskilegt að Umhverfisstofnun gerði grein fyrir tillögu að friðlýsingu fjarðarins



Reykjavíkurborg

Umhverfis- og samgöngusvið

að hluta og eftir atvikum í áföngum, þar sem ljóst er að sum sveitarfélög við hann gætu fallist á friðlýsingu í sínum lögsagnarumdæmum. Reykjavíkurborg myndi taka þannig tillögu til jákvæðrar athugunar.

Virðingarfyllst,

Örn Sigurðsson

Örn Sigurðsson, skrifstofustjóri.